

已丑套虜阿計犯神木永興等堡
命下鄧子龍臺訊姜忻左遷
庚寅太子賓客吏部左侍郎兼侍講學士署詹事府王弘誨
為南禮部尚書禮部左侍郎兼侍讀學士于慎行改吏部署
詹事府
癸巳選吉士王肯堂劉曰寧顧際明莊天合董其昌蔣益
育區大相黃輝馮有經傅新德周如砥朱國禎喬胤唐倣紀
林克俞孫羽侯徐彥登包見捷羅棟吳鴻功馮從吾郭吉士
等授秩有差

乙未刑科給事中許弘綱上責成撫綏四事曰不與庶民爭
便不與有司爭能不與司道爭教不與天下爭功從之
己亥貴州左布政使朱孟震為順天府尹

辛丑南御史李自謙請視朝以聯上下之交不報

癸卯先是南御史王藩臣奏應天巡撫周繼疏發而南右都
御史耿定向未見也怒其易己因自劾不職求免并申飭臺
綱刑科給事中許弘綱禮科給事中王孟煦等各疏頗右藩
臣不報


總督倉場戶部左侍郎胡執禮卒字

國權

萬曆十七年

十五

永昌人嘉靖己未



進士授保寧府推官歷文選郎中至今官贈戶部尚書特予
祭葬

乙巳田一雋李長春為禮部左右侍郎戶部左侍郎溫純為
右都御史兼戶部左侍郎總督倉場

浙直大旱太湖兩淮涸斗米三錢道殣相枕撫按奏卹上
憫之發太僕寺金二十萬南戶部金二十萬賑飢令戶部科
右給事中楊文舉往以二十萬賑南賑畿十萬賑浙文舉出
申時行之門應天巡撫周繼郊迎餽席三百金幣四十他郡
倣效復命舉刺以賂為高下


七月丙丁朔前太子少保南吏部尚書袁洪愈平字抑之江南
吳縣人嘉靖丁未進士授中書舍人擢禮科給事中中人糾
黨嚴氏檢討梁紹儒文選郎中白璧及尚書萬鏜得直聲出
為福建按察僉事歷湖廣右叅政入南太僕寺少卿光祿太
僕太常寺卿致仕久之起故官進戶部右侍郎右都御史禮
部尚書俱南京垂老終始清立疏糲不飽子治中一鵬早沒
都御史孔教醵金襄事年七十四予祭葬贈太子太保謚曰
安節

己酉宣府地震起數日復震

國權

萬曆十七年

十六



癸亥陳于陞服除補太常寺卿

刑部觀政進士薛敷教上言吳時來申飭臺規專右耿定向必欲立仗希鳴劍一警百得無僚友重而視 陛下輕耶申時行等言御史回道聽察堂屬區分今如敷教指俾臣等專抑大臣非也左副都御史詹仰庇請罪其狂躁放歸省愆三年授教授


甲子吏部左侍郎于慎行為禮部尚書

乙丑前吏部左侍郎沈一貫禮部左侍郎田一雋等教習庶吉士

湖廣道御史林道楠言白糧輸納之苦白米一石不過加耗五升耳至今四斗五升米百石不過鋪墊腳價等銀七八金耳至今二十餘金乞諭司禮監令各監局內官畫草前弊有旨從之

丁卯前刑部左侍郎何源卒字 江西廣昌人嘉靖己未

進士令嘉興進工部都水司主事治呂梁改主兵部裁內監不得典京營太和山不得行分守事歷考功郎中甲戌佐計累陞南吏部右侍郎改刑部致仕年 十有 予祭葬贈右都御史謚清惠



戊戌閣臣請講通鑑纂要報可

己巳陝西寧衛地震

庚午吏部左侍郎趙煥疾去

新除南刑部主事蔡獻臣請開聖聽慎寢興省藥餌遠聲色
薄滋味明視朝之期親近者碩屏去內誘而後建儲不報
壬申山西道御史鍾化民以聖誕將臨臣工畢集請及時朝
講不報

甲戌吏科都給事中陳與郊薛敷教謂建言諸臣擊昂司排
憲職侵言路以獵名譽上是其言

禮部員外郎董基為光祿寺丞


叙廣東廉州斬獲海賊功

是月臨漳野蚕作蠶食桑盡

八月丙子朔申時行請御朝講報聞

刑部左侍郎孫鑑為吏部左侍郎

戶部言舊制金花銀百萬金坐派蘇松江浙福建廣東湖廣
等處每季分進二十五萬至萬曆今六年每季加銀五萬為
買辦費則歲增二十萬原無坐派今十二矣乞念邊餉為亟
錫予為緩暫進五萬不允



庚寅編修劉應秋為南司業

甲午右春坊右庶子兼侍讀盛訥為左庶子洗馬脩兼撰劉楚先為右庶子

設福建大洋巡檢司

丁酉晡刻山東臨邑縣蜻蜒蔽空東西亘數里俄大雨俱盡辛丑大學士許國六年考滿進兼太子太師吏部尚書廢中書舍人


上視朝

南京浙江道御史王麟趾以耿定向吳時來叅及王藩臣言

北臺疏入即聞故次日投揭縱人知之亦易為力南臺道遠一被人知或受媒孽如御史孫鳴治論守備徐邦瑞夤緣得免御史陳揚善劾主事劉以煥託留不獲竟挾仇反噬皆往事可鑒故近來告堂延及一月非自藩臣始也許國詹仰庇彈章相繼閣臣憲臣不能植善鋤惡反黨同伐異國故碌仰庇則負時名亦若此他尚何望哉其投堂臺規應否在三日內明白申飭以便遵守

南御史黃仁榮亦疏刺耿定向吳時來

壬寅許國乞免 上慰留之



禁蜚語時南都有逐客鳴冤錄多指斥朝臣南給事中杜縻

徐桓以聞故有是命

九月乙巳朔給朝鮮國王李昭會典

戊申黔國公沐昌祚以監司兢禮屢見輕乞罷不允命議撫

鎮司道相接禮

己酉福建興化知府范梅不跪巡按欲移之撫臣于是撫按

周宗馬象乾交劾降梅

旌漢陽王長子戴塵夫人周氏貞烈

庚戌吏部覆定南道揭堂論事以三日叅劾以五日著為令

奪御史王麟趾俸半年黃仁榮三月

辛亥夜火星順行犯南斗杓第二星

壬子尚寶少卿王汝訓為光祿少卿

癸丑旌周府輔國中尉勤美宗學生鎮國中尉睦柔學行

乙癸肅王縉墳薨子紳堯幼命輔國將軍縉熒攝府事

建州衛都指揮使為都督僉事鈐東五十三部如南

北關勢益強


前南兵部尚書張時徹卒

丙辰洗馬兼脩撰王祖嫡侍讀陸可教主試武場得趙紳等

國權

萬曆十七年

二十



百人

戊午總督倉場右都御史溫純憂去南右都御史耿定向為
戶部尚書總督倉場


袁州萬載縣迎霜降忽天鳴隕石演武場側 江西

吏科給事中史孟麟劾少詹事黃洪憲典試北場改正硃卷
行其私失去墨卷滅其跡左都御史吳時來覆試狗之獨嚴
南臺送揭箱言官之口乞並罷報聞

己未南御史黃仁榮論南刑部尚書王世貞前陞大理卿劾
回不得通理前俸考滿并叅吏部朋欺吏部尚書楊巍謂王

世貞被劾時在籍養病歷薦起用異于被劾改調今工部尚
書曾同亨戶部左侍郎孫丕揚皆然非始世貞也命世貞仍
供職

東虜腦毛太結西虜白洪大入遼東平虜堡總兵李成梁禦
之備禦李有年手刃數虜被驍騎圍殺之把總馬文昇赴救
陣沒轉戰良久虜稍卻遂班師斬三十四級我失亡百二十
餘人明日吳大績等追虜于鎮邊堡斬五十五級虜遂犯瀋
陽蒲河多殺掠又分數千騎入榆林堡凡七日出塞督撫按
之報稍異其後給事中李瑄謂長昂入犯李成梁損兵八百



人邊吏不以聞

庚申黃洪憲吳時來各奏辨乞休不允

初萬歷乙酉長河西等司入貢國師以疾去茶符未給諸番日爭茶至刻木為信乃已至是貢使請補前符且濫額禮部謂今貢應給外仍補前之半俟後貢更補其半報可

壬戌予安鄉伯張紘祭墓

甲子前南禮部尚書姜寶立義田十頃贍族請下有司入籍許之

命錄囚戶部尚書宋纁主讞

丁卯予故南京戶部右侍郎程嗣功祭墓


初湖廣沅辰草坪苗與天星苗積衅撫按以百戶黃鐘音往解反兵喝之被殺尋獻首禍者巡按御史甘士价奏上甲戌命賜先賢曾子祭田以六十二代孫五經博士承業請之也

十月丙子河南按察使郭四維為右僉都御史巡撫宣府戶部

左侍郎孫丕揚為南右都御史

安南都統使莫茂洽以補貢應貢請于兩廣總督許之

戊寅塞達裴應章為戶部左右侍郎



壬午巡撫貴州許子良改撫治鄖陽

前宣府總兵官李如松調山西山西總兵官李迎恩調宣府

癸未太常少卿司汝霖復張姓改名汝濟

前巡撫寧夏張九一起巡撫貴州

丙戌官嬪王氏卒贈僖妃

己丑侍講學士曾朝楫為左春坊左諭德兼侍讀

壬辰山東登州天鼓鳴

予故巡撫南贛汀漳張煥祭墓

甲午上不豫諭藥未效不朝

衍聖公孔尚賢自被劾後三歲一朝至是請仍歲率三氏子

孫入賀萬壽許之

乙未杜其驕張汝濟為左右通政

丙申巡按陝西崔景榮言威正等首屯紅崖堡欲駐水塘湖


卒歲虎落赤等欲于擅工川立寺而真相台吉亦欲駐擅工

川乞下督撫移檄順義王定其界毋薄塞下事下兵部

丁酉刑部右侍郎許守謙為兵部左侍郎

戊戌吏部員外郎趙南星言當今天害四曰干進之害曰傾

危之害黃洪憲唐堯欽孫愈賢蔡系周等曰守令之害曰鄉



章下吏部

李春開王遵訓徐學聚楊東明張貞觀丁應泰何煒林材沈
之吟為給事中之吟南京周孔教李以唐徐圖樊玉衡張鶴
鳴錢一本何選余懋中蔣春芳賈名儒黃卷王明張宗載張
大謨萬國欽任應徵蔣夢得鹿久徵張光緒牛應元劉汝康
楊鎬茅國縉邵以仁吳孔嘉陳勗李時孽熊元王有功林寅
賓彭應參郭實周維翰劉惠王道顯劉思瑜張應揚李守誠
李用中聶嘉祥為試御史應揚守誠用中應祥南京

已亥南戶部尚書王友賢致仕

庚子工部右侍郎張孟男為刑部右侍郎

協理京營戎政兵部尚書鄭洛辭兼左副都御史

癸卯尚寶少卿何以尚為光祿少卿南左通政余懋學為黃

河決口塞河工成


吏科給事中李春開奏留吳時來詹仰庇得旨下吏部于是

戶科都給事中王繼光言趙星南上四事辨論官邪課督職

掌而春開先摘南星原疏未上而奏閣先得旨何也吳時來

謀冢宰詹仰庇賄囑黃洪憲耐彈皆當亟斥而用禮部尚書

沈鯉侍郎張位趙用賢不報



禮科右給事中吳之佳請速發章奏不報

十一月乙巳朔南工部右侍郎張西銘為南戶部尚書

戊申南光祿寺卿徐元氣為南通政使

己酉予故刑部右侍郎萬虞愷祭塋

庚戌宴朝鮮貢使貢使言六月十二日舟泊全羅之南桃浦

有大琉球男婦四十六人失風者携以來命還福建俟便歸

其國

甲寅南太常少卿謝杰為太常寺卿


乙卯徵潞紬五千匹工部尚書石星言非正額乞寢之命以

次進工科都給事中張養蒙言之不聽

己未 上不朝

左副都御史詹仰庇言比來章奏失體不曰故相某而曰江
陵分宜不曰搃兵某而曰大帥大將軍不曰某疏而曰某氏
之疏又詞多奇僻千言不已一日萬幾何暇竟覽宜加飭叅
治得旨下禮部覆上有六建白毋尚高論題覆毋徇物情諫
諍毋好名高舉毋工組織陳毋叙勤勞奏報毋蹈自欺妄
言從之

十二月乙亥巡撫雲南蕭彥為右副都御史撫治鄖陽陝西左



布政使黨馨為右僉都御史巡撫寧夏
丙子故少保兵部尚書于謙改謚忠肅浙江巡撫傅益春請
之也

丁丑光祿少卿何以尚為南大理右寺丞

戊寅茂州地震

編脩余繼登為中春坊右中允

戶部左侍郎楊俊民為尚書總督倉場戶部左侍郎蹇達改

兵部大理左少卿吳定為右僉都御史巡撫雲南

壬午任養心孫旬為大理左右少卿

癸未史科給事中李春開言吏部員外郎趙南星戶部郎中

姜士昌二疏舉刺可疑乞禁諺區別章下吏部吏部尚書楊

魏請優容士昌戒各官侵越

甲申史科給事中史孟麟糾李春開附吳時來詹仰庇阻塞


言路刑部主事吳志正奏劾李春開及都給事中陳與郊謂

王篆用事時與郊與邢侗方範顧爾行等投其門篆敗倖免

今掌史垣招權納賂嗾指春開上怒責正志回奏敗宜君

典史與郊又疑正志指授于史孟麟同官互訐于是臺諫群

攻正志惟御史萬國欽周孔教力持以為不可正志回奏謫



典史刑科給事中丁應泰言大小諸臣宜協恭和衷借宋事為喻

工科給事中林材論尚書鄭洛貴州巡撫張九一遂罷九一

戊子望夜先是歷官推月食其時全明不驗其門第雖朝吏刑部左侍郎張益男改戶部南吏部右侍郎趙志舉為吏部左侍郎


己巳吏部尚書楊巍屢請去上切責諸臣忿爭求勝有失和衷之誼不允所請

庚寅夜月犯軒轅星

辛卯夜金火二星相合

壬辰命順天尹祈雪

甲午大理左評事維于仁謂上有酒色才氣之失上四箴酒箴曰耽彼麪藥昕夕不輟心志內惰威儀外闕神馬踈狃夏治興隆晉武啣杯糟邱成風進藥陛下醲醕勿崇色箴曰豔彼妖冶食息在側啟寵納侮爭妍誤國成湯不邇享有遐壽漢成暱姬歷年不久進藥陛下內嬖勿厚戒財箴曰兢彼鏐鏐銛銖不剩公帑稱贏私家塵甌武散鹿臺八百歸心隋陽剝利天命難謀進藥陛下貨賄勿侵戒氣箴曰逞



彼忿怒恣睢任情法尚操切政豎公平虞舜温恭和以致祥
秦皇暴戾群慙孔彰進藥 陛下舊怨勿藏

乙未大學士王家屏言雒于仁四歲雖妄以備養生必未非
也因自乞罷併于仁疏留中


前南禮部右侍郎羅萬化改南吏部右侍郎山東左布政使
葉夢熊為右副都御史巡撫貴州

丙申四川南渠二縣飢賑之

許故伊唐人典樸妻方氏安樂王褒燭三喪歸塋典樸卒
高墻方氏道卒褒燭奉鈴束于周邸萬安王褒煇言其兩世


再喪可閔

戊戌光祿寺少卿王汝訓言吏科都給事中陳與郊瀆政通
餽力詆辛自脩陰排沈鯉嗾李春開橫擊趙南星王繼光史
孟麟吳正志今日薦巡撫明日薦兩司每疏出入皆疑其謝
重賂而樹私交勢傾中外吳正志才發其奸投荒檄之外矣
章下吏部初澤州張養蒙以資萬當吏科都給事中而陳與
郊以王錫爵甲戌分考所首錄也遂得之養蒙補工科都給
事中又出為河南叅將政憾錫爵及申時行矣養蒙負物望
西北人推重角幟遂十餘年




陳繼儒曰曩者江陵之以橫敗也諸相國于是更其猛而為寬攻江陵而以諫顯也諸君子又于是更其諱而為諍言者弥熾輒指之曰是出位也是欲趨捷徑而適者也是不知大體也是為某氏攻某氏也而力主矯偏救狂之說以與言者敵此諸相國之近習也上之人按之弥窘輒指之曰是塞言路也是欲痛懲正人也是以一網掩是也亦為某氏去某也而力主請劍止輦之說以與上之人敵此諸君子之近習也夫小臣方喜于建言而大臣且厭于言洗毛而索之癩因噎而廢之食然而馮狐鼠者因衆而批


龍領者亦不乏也首鼠者十一而鳴鳳者亦十九也欲強奪諫官以名奪之而名愈起欲與諫官以非利不踰年而尋館六曾之綬坐九列之輿矣利與名厚欲也即賢者非必出于利名然掀髯攘臂以示快召徒呼黨以示戰勝客氣故在也上之人思撤其所甚欲而銷其心氣之不平則可容而不可激可導而不可塞可以湔洗而不可以微青錮以非時遣嗚呼言至于此愈難矣錮之譴之其他日之非錮鑿也明甚而言至湔洗之量移之則郡而攻大臣之弱而言亦至自己酉以至于今相持者五載大小紛拏彼




我犄角燥濕敵而水火深爭此其勢必至于乞援中涓借
交群小夫中涓既以陰操顛倒威福之權而群臣復佐以
朝燕秦之舌一旦勢成禍見釀而為唐之甘露宋之熙寧
俛首駢肩而就東漢之黨獄諸君雖以空言搏擊傾黨訕
訶終何益于朝廷哉


我犄角燥濕敵而水火深爭此其勢必至于乞援中涓借
交群小夫中涓既以陰操顛倒威福之權而群臣復佐以
朝燕秦之舌一旦勢成禍見釀而為唐之甘露宋之熙寧
俛首駢肩而就東漢之黨獄諸君雖以空言搏擊傾黨訕
訶終何益于朝廷哉








國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



3393426 v. 43

國家圖書館, NATIONAL CENTRAL LIBRARY, TAIWAN, R.O.C.





國權

萬曆十八年庚寅

正月甲辰朔立春

上不御殿召輔臣于毓德宮西室申時行

許國王錫爵王家屏俱至諭曰朕疾錮矣出維于仁疏手授

時行怒甚時行未及閱上曰彼指朕酒指朕嬖貴妃鄭氏

其事云何諸臣懇宥留疏不下可也上曰鄭氏侍朕勤勞

如恭妃王氏以元子不及侍朕疾朕用張鯨以賂此昨年李

沂事也朕果黷貨何不藉之時行再四求宥語久之上意

國權


萬曆十八年

一

監官設遷孺木著



國家圖書館, NATIONAL CENTRAL LIBRARY, TAIWAN, R.O.C.



稍解時行等因請早建儲 上曰長幼定序以元子功稍俟
之曰皇長子今九歲養蒙豫教宜出閣就學語久之出宮門
不數十武命召皇長子已召至見閣臣于宮門閣臣皆喜躍
上聞而善之有頃趣張鯨至命輔臣責數之鯨北跪時行責
之略 上微哂焉俄 皇三子亦至立元子下 上手携元
子輔臣頌元子岐嶷歸賀 上遜謝輔臣請進學 上曰內
侍已授之書時行以為晚 上指皇三子雖五歲尚不離乳
媪也輔臣稍前視元子 上手引之正立輔臣乞早冊立定
大計 上首肯乃退張鯨出張宏之門任東廠兼內府供用


庫印司房邢尚智招權納賄致拂衆議自戒諭後寵頓衰

設遷曰時朝講希御以疾為辭然 上未嘗一日忘天下

獨無疚于心乎元旦毓德宮之召盖有激于四歲懼然不
自安也其手携元子默示定序不煩黃瓜之詞而吳縣輩
值有天幸開導不力勉諭張鯨外廷傳以為笑難得易失
者時也有君如此納約自牖未敢為時相望矣

戊申前總督倉場戶部左侍郎毛綱卒字 直隸薊州人

嘉靖癸丑進士授戶部主事歷右僉都御史撫遼聞喪遽去
降浙江叅議進右副都御史撫治鄖陽歷兵部左侍郎內計



致仕性伉直其再起頗驟遷損望而在鄭多惠政里居以孝友聞

已酉大理左評事雒于仁求疾去命除名

太常寺卿陳于陞為左副都御史

辛亥禮部請冊立不許且責曰爾等紛々煩擾意欲離間乎諭朝臣曰朕摠覽權綱夜々不怠深居靜攝視朝稍稍章奏間留從容斷決左右近臣不過承旨辦事朕皆獨斷縱有一二猶私壞治者朕自有處近來諸臣不事職業或輕信訛言沽名賣直或妄生議論排擠端良或窺探觀望煽惑人心或


邀結阿附顛越公論言路原無阻塞動稱借口詔旨方行禁
草公然犯違甲是乙非章奏滿前使朕不得徧覽如此紛亂
是何朝綱爾等各有職司務洗心滌慮率職奉公以副朕任
人圖治之意如負朕命國有憲章欽哉
光祿寺卿盧維楨為太常寺卿
壬子光祿少卿王汝訓又劾吏科都給事中陳與郊陰詖濁
亂與郊奏辨調汝訓南京
癸丑右通政張汝濟為光祿寺卿

甲寅命太監張誠閱視京營狗三年之例也

國權

萬曆十八年

三



鎮守陝西提兵官署都督同知張臣以平羗將軍鎮守甘肅
提兵官

丙辰禮部言父子至親出自天性長幼定序斷自聖心原無
疑似之形可以離間乘此吉月冊立以便出閣豫教不報

戊午潞王翊鏐求景王遺田許有司徵租輸之

丙申前後軍都督府僉書署都督僉事劉承嗣為提兵官鎮
守陝西

屬夷長昂花歹部落入貢于會同館奪賞仇殺禮部尚書于
慎行主事張我績急諭解之

壬辰成吏科都給事中陳與郊為太常少卿提督四夷館
申時行等以豫教已有明旨請 皇上自定期出閣不報

辛未南大理寺卿張楨為工部右侍郎


二月癸酉朔南御史王麟趾鑄二級調外

御史王明劾陳與郊俸淺陞驟大拂輿望奪明俸三月

甲戌應天府尹陳文燭為南大理寺卿

丁丑太僕寺卿邵仲祿為應天府尹

辛巳御史萬國欽劾吏部尚書楊巍狗私陳與郊唐鶴徵
等 上不問



甲申閣臣進經筵講章以備省覽從之

乙酉南御史彭而珩請申飭章奏之體命即遵行之

丙戌御史鹿久徵請申飭布按二司襲舛承弊如准詞訟私

潤囊崇喜奔競飭厨傳命下部議之

丁亥旌鄭王厚烷忠孝善行

御史李頤請江西故儒胡居仁從祀孔廟禮部議允

戊子臨洮天鼓鳴

丙申御史韓介言吏部四害三弊命部院申飭

丁酉直隸順德縣地震星隕有聲

邵元標補吏部員外郎疏推年餘矣

戊戌南工部尚書李輔卒予祭葬

王錫爵請冊立 皇上自有長幼之說臣等不必申歲月之

早晚惟豫教一事則 皇長子年九歲次子年五歲俱當出

閣不報

己亥前日講官右春坊右諭德兼侍讀吳中行以御史蔡系


周劾之奏辦不問

庚子吏部尚書楊巍致仕賜月廩歲役減三百六十額入苑

申時行等請御朝講不報

國權 萬曆十八年

五



三月甲辰大名風晝晦明日止兗州黑風揚沙壞城廨民舍傷
十一人開封彰德衛輝歸德俱如之壓溺三百六十餘人或
墓祭為風攝之墜于井塹

丙午廣西賊李茂陳德樂等平
孟養宣慰使 入貢牙象金銀碗絨錦等物按養孟以緬
甸故久不貢

南刑部尚書王世貞致仕
戊申日月並行未刻月出巳地

乙卯車里宣慰使刀橛猛貢牙犀金緬布絨錦等物仍傳噶

喇欲納款蓋刀橛猛地近莽 我宥其罪令招莽以報巡

撫雲南蕭彥言車里臣附有年隔于莽酋以沅江那恕之招
草面獻琛今莽酋悔禍慮其不肯而託之車里沅江然無莽
文可據又不能逆其偽而遽絕之也宜仍令車里沅江傳諭
朝廷威德許以自新禮部請賞賚如例從之
夜山西代州星隕聲如雨光如燭少頃天鳴

丙辰宋纁為吏部尚書


河東鹽池立靈祐祠時水減得益

庚申夜有大星流代州西北聲光散墜天鼓大鳴

國權

萬曆十八年

六



辛酉遼東寨兒山堡火傷男婦九十餘人

蜀府德陽王府鎮國中尉承休為宗正

壬戌工部右侍郎魏時亮為南刑部尚書

起韓世能禮部右侍郎

癸亥南刑部右侍郎朱天球改工部

己巳總督漕運戶部右侍郎為舒應龍為南工部尚書巡撫

江西莊國楨為南刑部右侍郎

四月壬申朔先是御史錢一本知廬陵縣以巡按御史祝大舟所徵攝俱籍記之及入臺訐奏其賍私命逮之大舟亦奏一

本在縣汚跡並下法司左都御史吳時來以大舟聞喪票取

三千金宜遣官江西按之報可大舟竟遣戍自大舟敗巡臺

相戒票索訖立追票無跡矣

固原州天鼓鳴

癸酉禁擅擊登聞鼓

夜遼東鎮西堡旗端有火光

丙子大理左少卿任養心為右僉都御史巡撫江西大理卿


周宗為兵部右侍郎兼右僉都御史總督漕運巡撫鳳陽


虜虎落赤糾衆薄歸德所謀移控工川立寺駐牧督撫梅友

國權

萬曆十八年

七





松等以聞謂自俺答遣子丙兔等牧荆刺川遂成巢穴若虎

首再據擅工川將累關隴宜諭之回巢

戊子禳旱遣告郊壇

禮科都給事中胡汝寧等奏益養來貢止撫按代奏夷情未

聞請今後土司進貢取彼番文進譯貢夷申譯撫按代禮部

奏舊例也今益養從叛久一旦來庭宜今後益養進貢如例

譯進但奏內不備原詞始末如欲上奏即以番文報可

己丑故廣東東山叅將移東安縣西山叅將移西寧縣中路

守備移羅定州秋冬駐掘峒掘峒為羅定要地而二縣為兩

山根本也

甲子設四川平武縣

乙未御史彭應參言三事用謹言指王麟趾曰杜巧宦指南光祿卿沈節甫

弟之唵新曰重廩賞王世貞自被論改部覆議報聞

丙申宣府天鳴

丁酉輔臣請令錄囚釋李材劉天澤不報

巡撫應天周繼為南戶部右侍郎總督糧儲

庚子傳制封荆世子常瀝

建州等衛

國權 萬曆十八年

五月辛丑朔光祿寺丞詹沂為南尚寶司卿整飭蘇松常鎮兵
備副使李涑為右僉都御史巡撫應天

癸卯王家屏言臣來決歲嘗陳天下大計竟寢又臣亡狀不
能導主德於緝熙保聖躬于元吉大本未定隱憂故多故自
劾乞休不報

甲辰王錫爵乞以災異免不允

乙巳夜遼東孤山堡等處旗艇忽火光滅時不燬

戊申上不豫

庚戌禱雨郊壇

左都御史吳時來

御史陳汴請上臨朝斥張鯨以杜隱憂章下所司

辛亥戶部覆延綏督撫五事曰開墾荒田曰疏通完

運曰清屯額曰廣開納曰督通賦下部行之

日講官禮部右侍郎李長春等請御經筵報聞

丙辰上視朝以各處災傷勉出命速議蠲賑于是閣臣言

旱災甚廣自畿內河南山東江北夏麥俱枯秋禾未種小民


望恩甚于飢渴若不待奏報先布德音尤足收拾人心上

諭戶部朕念旱災着撫按勘分數蠲免其積穀處即旋賑又

國權

萬曆十八年

九



諭兵部緝盜

丁巳刑部尚書李世達為左都御史

辛酉戶部奏大造天下黃冊

甲子勸西寧失事功罪兵備僉事萬世達降

南吏部尚書陸光祖為刑部尚書吏部右侍郎孫鑰為南禮

部尚書

丙寅廣西總兵官仍駐會城另選參將移賓州三里

己巳上視朝

六月辛未朔兵部左侍郎袁貞吉改吏部左侍郎

甲戌謝雨郊壇

丙子甘肅臨洮地震壞城郭田舍傷人畜亡美

丁丑太僕少卿謝杰言懿文太子諱則至親分則至尊累朝

以來歲九祭文稱御名乃僅以祠祭署領之亦甚褻已乞勲

臣行禮遂專命南都督書府僉書

存問前大學士郭朴時年八十

工部右侍郎朱天球左副都御史陳于陞為工部左右侍郎


戊寅左僉都御史邵陞為左副都御史

己卯蠲停真定順德保定大名夏稅

國權

萬曆十八年

十




左都御史吳時來卒字
浙江仙居人嘉靖癸丑進士授
鎮江推官拜禮科給事中劾嚴嵩謫戍隆慶初起吏科歷順
天府丞南京操江右僉都御史尋巡撫廣東被論去調雲南
按察副使閑住萬歷初補湖廣進左通政大理卿刑吏部侍
郎歷內臺始直節著晚雖多訾終侃々不愧為大臣贈
謚忠恪予祭葬

庚辰壽宮成監督工程穆來輔為右通政洪聲遠為大理右
少卿

辛巳巡撫河南周世選為右僉都御史回院

甲申西虜虎落赤等四千餘騎入犯舊洮州古爾占堡流掠
洮岷副總兵李聯芳追擊包家山陷伏死軍潰把總何天衢
魏承勳千總賀守文中軍李如玉李國瑞俱沒
戶部奏去年因蠲免歲入三百三十九萬金有奇出數加荒
百萬有奇賴老庫發一百八十三萬今歲入數不下四百餘
萬春夏發外見庫僅四十餘萬老庫僅一百十七萬諸費何
出猶少百餘萬命下集議工科都給事中邵等展言今日利
孔已盡無復可開而歲入彌縮歲出殊浮宜行嚴察如錦衣
之帶俸官役禮部鴻臚之譯字生通事序班光祿寺之廚役




各監局之工匠在外佐貳首領之添設九邊年例與主客市
賞之供億諸如此類或昔無今有昔設今增酌其急緩漸以
裁汰是謂以節之道生之也又增設城垣不急之務其役可
止報聞

太常少卿吳自新為右副都御史巡撫河南

先是巡撫河南褚鈇禮科都給事中萬象春各議邱宗通變
上命科臣往河南山陝禮臣往山東會宗室及撫按議之至
是秦王誼漣議上禮部覆曰為今日計莫若計郡王之子則
親王孫也長孫襲封長子為鎮國將軍矣至第二世郡王之

衆子則親王曾孫同于孫過矣請封鎮國將軍而食輔國將
軍之祿孫封輔國將軍食奉國將軍之祿曾孫封奉國將軍
食鎮國中尉之祿而中尉以下不復減焉第三世郡王之衆
子則親王之玄孫也而同孫則益過矣請封鎮國將軍而食
奉國將軍之祿孫封輔國將軍食鎮國中尉之祿曾孫封奉
國將軍祿亦如之而中尉以下不復減焉以至四世五世郡
王之衆子則孫親王無服之孫也自此以後皆鎮國將軍食
鎮國中尉之祿曾孫之封輔國奉國者祿俱如之而中尉亦
不復減焉摠之遞減之法以四百石為上使其一輩內爵有



宗甲祿無隆殺恐亦人情之所樂從也有旨令宗多祿少者
議行之禮部又奏處宗藩事宜一議額祿一議催徵一議餘
祿一議開業立宗學同民間子弟考試其無名糧花生傳生
農桑之業聽之一議城禁既開業聽出城四境生理一議刑
責凡無名糧者有犯同齊民間擬一議奏請一議擅婚一議
報告一議庶宗一議宗學一議儀賓一議王官有才大者破
格或知府運使藩臬等官同外官一例轉用上俱從之
神樞營左副將署都督僉事王治為南右軍都督府僉書
丙戌光祿寺卿張汝濟為太常寺卿

河南盧氏縣多盜移嵩縣守備冬春駐藥州

丁亥順義王捨力克為西虜大落赤所購以三千渡騎河至
臨洮聲欲東寇保定撒刺西犯洮岷松茂諸邊遂屯莽刺控

工二川


甲午督理荒政給事中楊文舉報竣

丙申右通政陳大科為光祿寺卿

御史馮應鳳等議經用諸則覈邊儲議內供草濫員通錢法

章下所司

西虜臨河至松潘輕騎可八日至也于是西川戒嚴巡撫李




化龍奏言松潘乃全西蜀之門戶也臣接輿地由松潘而北則為漳獵漳獵之巔北可望岷岷西北可望莽刺控工以松潘而視西虜僅有此山以為之間耳而其中險阻高峻盡屬土番歲時漢第以撫賞羈縻之因欲為地柰何不亟備之乎上大是之

瞿九思曰史稱西夷冉駝白馬最大今猶然乎今猶然乎以臣而觀松潘事不在西羌而在羗與虜合也武廟末虜騎闖入松寨太原王恭襄方在大司馬乃不麾之使去何哉延引至今使西虜得以迎佛近在洮河黑水間馬牛

氛埃旦夕而及也善乎何將軍之言曰番寨凋落則蹂躪馮陵松茂侵尋則成都塵警臣每誦之則未嘗不爽然自失也

丁酉申時行等言先年俺答款貢套虜吉能及松山西海諸部並聽約束二十餘年吉能父子死其孫卜失兔弱不能制而用事夷酋如切盡黃台吉又繼死致各酋渙散或轉僅受賞于延綏或借路生事于甘肅或東賞西掠或罰此逞彼其駐牧近邊驅之曰吾不內犯也搶掠番族問之曰吾不擾漢人也絕之則款貢為詞撫之則彼定要索此西鎮虜情之大



略也一二小酋雖已猖獗而大酋全部尚在羈縻勢不得不酌于戰撫之間

戊戌前太子少保吏部尚書嚴清卒字雲南後衛人嘉

靖甲辰進士官知縣陞內都主事歷左僉都御史巡撫貴州

四川山西改南大理御史刑部侍郎進吏部尚書致仕亡何

起兵部不赴加太子少保服官四十年貞素如一日籍馮保

家往來獨無其名典銓數月士論猶惜其用之不盡年十

有子祭墓贈少保謚恭簡

設遷曰滇南號為荒遠其人易沒于貨嚴冢宰廻翔仕路

白首不緇非所謂篤信善道者耶先世為吾嘉興人嘗過

其祖墓延佇久之羔羊素絲移吟今日不朽哉若而人矣

七月庚子朔日食孟秋享太廟例午刻以護日移已刻

議添設沁河官兵其河西鄉兵舊隸行太僕寺及兩同知今

聽各道總理復金城關巡檢司復監守同知並梅友松所請

辛丑兵科都給事中張希臯請討討火落赤及兩酋孽子真

台吉章下兵部


甲辰復陝西行都司屯田僉書

丙午太常少卿謝杰為右通政南京右都御史孫丕揚疾去

國權

萬曆十八年

十五



戊申火落赤犯河州攻景古城總兵劉承嗣禦之會大雨兵
敗失亡甚衆虜踰二旬始退西郵為震總督梅友松請以土
指揮司魯光祖為游擊將軍提千人援西寧光祖弟光國襲
指揮

己酉順天府丞李楨陳邊事極言款貢非策 上謂款貢二
十年未可遽廢命詳議之

辛亥先是浙江撫按請存問前禮部尚書董份御史萬國欽
言份往媚嚴嵩居鄉淫縱巡按御史龐尚鵬論褫其冠帶彼
罪人也于此典未協部覆寢之


甘肅巡撫李廷儀被劾調用

甲寅陝西布政司右叅政余之楨為右僉都御史巡撫甘肅
丁巳固原州雨雹大如鷄子傷稼壞人畜

庚申諭內閣以虜警責各邊督撫不任又引嘉靖間失事為
據命處分申時行等寬解之

南右副都御史提督操江石應岳為南兵部右侍郎

乙丑 上御門畢召輔臣于煖閣以陝西巡撫趙可懷疏示
申時行若何對曰虜王渡河為火落赤所購欲掠生番恐我
馳救而其情狡甚不可不備 上欲遣督撫且曰部將有功



則身居之罪即他諉時行等曲解 上因論智勇之將少昨
御史薦二人王化熙尹秉衡時行曰王化熙嘗提督巡捕亦
中才尹秉衡雖勇令老矣 上曰趙充國非老將乎貴謀不
貴勇也又諭欲遣大臣飭邊時行等曰推一大臣略經之重
其事權 上然之欲重失事之罪時行等乞寬文法 上曰
聞山西五臺多礦盜守臣何不報時行曰聞嵩縣等盜巡撫
逐捕且散矣 上曰是五臺以進香僧知之時行等請傳諭
兵部而退


設遷曰 上念西郵故召諭撫臣而輔故旅進退于邊事

憤：也王化熙尹秉衡俱未當推轂無其人乎果夙夜

餘

在公宜立舉其人以對而茲無所應徒為梅友松等緩頰
養交市德彼馮唐一賤郎猶能暢其說以慰拊解曾是心
脅股肱也者危而不持顛而不扶則焉用彼相為哉意假
江陵而在不汝：如是矣

諭兵部西鎮弛備須遣大臣經略其會推上及申飭西郵各
邊撫鎮及五臺隱盜之故
姜璧王世揚為大理左右少卿
已巳協理戎政兵部尚書鄭洛為右都御史經略陝西四鎮




及宣府大同山西邊務

四川猗氏縣大水有二龍鬥于烏停村遺卵尋失之

八月庚午朔御史董子行奏西鎮多故起于莽刺擅工二川聽虜駐牧今無論戰守皆當驅遠之兵科給事中張貞觀言市賞必不可不罷戰守必不可不決虜啖漢物已二十年我一旦罷市賞則虜將搶掠搶掠之利多歸部落市賞之利多歸酋長市賞之利逸而倍搶掠之利勞而半非惟中國慮失虜之權即虜亦慮失中國之權誠利之也為今日計宜罷市賞加意戰守虜貪利必叩關請罪我因與之更始章下所司

設遷曰火落赤一胡雛躡西海而順義王名奉漢如故雖駐牧二川往亦有之當時臺諫輒易言之欲罷市賞窮其罪誠因噎而廢之食也李暎芳劉承嗣再失西郵弛備久矣信如諸臺諫言驅市人而戰張空拳冒白刃可乎西虜指揮僉事莊禿賴及紅山市夷犯甘州之高臺黑城掠我六十九人莊禿賴時降時雖草叛雖草市賞屢復之

瞿九思曰莊禿賴故我市虜乞哀于延綏而稱兵于甘肅豈不狙詐哉顧草之未几而復者踵至莊酋乎莊酋乎不無易我漢法臣等觀其始徵靈于佛申盟于神行事所設



施亦非輕率者捨番盜塞寔明爰卜失鬼為禍首假令如
子塔孟格蟒素寧不有餘榮哉向者制置使不甚督過而
以獸畜之有以也夫

癸酉兵部乞勅宣大督撫暫停順義王市賞從之

命兵部主事梁雲龍遼東兵備僉事萬世德從鄭洛行邊各

選宣大甲士三百人

蠲山東民屯田租

南戶部尚書張西銘致仕

乙亥脩京城

已卯以屬夷史二官兒等攜男婦二十餘人出塞邊將失撫

各降罷有差

庚辰閣臣請御經筵日講上疾止之

安南都統使莫茂洽入貢


樞督薊遼兵部尚書兼左副都御史張國彥協理京營戎政

兵部左侍郎蹇達兼右副都御史樞督薊遼

壬午贈李聯芳都督同知

已丑以外造歲解軍器多不堪議折其半從之

九月辛丑工部請裁織造之半以舒民困從之
國權 萬曆十八年 九



壬寅撫寧侯朱國卒

御史萬國欽劾申時行意專欺虜又受遼將王國勳等十萬金受兵部侍郎許守謙三千金本兵王一鶚總督梅友松巡撫李廷儀皆私人也至相黨援欺誤君國命降一級謫劍州判官

禮部請御朝講不報

癸卯戶部右侍郎裴應章為左侍郎南刑部右侍郎莊國禎為戶部右侍郎左僉都御史周世選為左副都御史山西右布政使邢玠為右僉都御史巡撫大同塞蓋洪夫蘇

乙巳禮科給事中任讓論許國聾瞶不任輔弼上命奪讓俸半年

劉承嗣梅友松趙可懷並失事奪俸三月

巡按直隸張鶴鳴奏順義王近革市賞總督宣大蕭大亨若罔聞知仍互市易馬損威褻惠取侮外夷有旨虜情當別逆順捨力克所部安靜保塞詎得繫絕隨下所司
丁未通政司使余懋學為南刑部右侍郎巡撫浙江右副都御史傅益春回院


丁卯禮部請躬郊廟

上以疾止

國權

萬曆十八年

二十



十月己巳朔經略鄭洛兼陝西總督其總督官命于經略事竣

徐推

辛未東虜土蠻族弟土蠻豬台自長勇堡山河臺深山鞍山

駟分兵攻海州北關寧遠伯李成梁及副總兵李寧戰牛心

山敗之虜遁自是土蠻老而厭兵稍戢

壬申巡撫貴州葉孟熊改巡陝西

協守大同副總兵尤繼先為總兵官鎮守陝西

棟兒燁虜達破阿爾壩漸偏松潘巡撫李尚思以聞

癸酉詔定助邊陞賞例輸千金陞一級至三級止加銜至開

散五品上五千金以上優處

乙亥四川左布政使彭富為右副都御史巡撫貴州

丁丑許國再乞休曰請保聖躬勤朝講定儲貳報聞

戊寅蠲臨洮被災軍民屯租

己卯許國力疾請建儲則愚臣去留皆安不報

甲申申時行等力疾申明邊計下廷議

兵部覆保定撫按言湯家莊等處深曠銀礦難尋即有一二


亦鉛多銀少仍閉之

十一月己亥巡撫陝西趙可懷報火落赤已離擅工川迤南燬

國權

萬曆十八年

主



其寺兵部言各塞俱燒荒獨陝西不及今宜舉行審机圖之章下所司

庚子 上責內閣先生何傳各衙門瀆擾今勿復爾申時行等乞寬宥勿以臣等奉宣無狀遂介宸衷

癸卯起賈待問右副都御史巡撫甘肅

廣寧伯劉嗣德卒

甲辰套酋卜失鬼乞受罰莊禿賴明爰台吉亦叩關還所掠人畜兵部議仍市賞

乙巳吏部驗封主事鄒元標言四事枰頭之苦虛糧之苦由


票之苦積荒之苦部覆行之

己酉庶吉士吳之望服除為吏科給事中

予故太常少卿馬從謙祭葬

癸丑巡撫湖廣秦耀免河南右布政使戴光啟致仕御史郭寶論耀阿附權貴光啟科場徇私也初耀檄取衡永八百金桂陽郴州道州三百金耒陽等縣各六十金以餽京官仍繳原檄時有旨留用衡州同知沈鈇奏其贖貨所徵全楚萬五千金言官交劾遂免官

壬戌清江王府輔國中尉經扣以毆按察使顧門廢為庶人



并經涇錮之高墻

甲子順天府丞李禎為右僉都御史巡撫湖廣光祿少卿董裕為太僕少卿

丙寅前工部尚書何起鳴卒四川內江人嘉靖己未進士由歷今官年十贈太子太保予祭葬

十二月己巳吏部主事鄒元標再推負外郎不報吏部以職掌請有旨切責調南刑部署負外郎主事添註一時連罪者給事中楊文煥楊文舉降三級劉弘寶張應登等御史何選皆罰俸謫典史

改夏鎮故工部尚書朱衡祠為勅建

乙亥兵部考察天下軍政


丙子復故學士解縉官謚文定成化初縉子中書舍人禎亮以恩例追贈縉朝議大夫贊治少尹仍廣西布政使右叅議故鄒元標請復之

壬午望夜月食

禮部右侍郎黃鳳翔予告

詔清理南京織染局匠役

先是巡撫貴州葉夢熊論播州宣慰使楊應龍兇惡不道東



川道兵備副使朱運昌縱其惡巡按御史陳效亦劾應龍十
二罪而四川巡撫李尚思以防禦松潘請徵播州兵巡按御
化史李化龍亦請免勛此怨彼宥黔蜀殊旨于是兵科都給
事中張希臯給事中陳尚象乞遣科臣公勘或勦或貫毋執
成心章下兵部

遣闕視官右通政穆來朝輔薊鎮蕪闕保定昌平大理右少
卿王世揚延綏光祿少卿曾乾亨大同尚寶司丞周弘禴寧
夏兵科都給事中張棟固原吏科左給事中侯先春遼東工
科右給事中鍾羽正宣府兵科給事中張貞觀山西工科給

事中李汝華甘肅穆來輔等仍兼監察御史來輔河南道世
揚弘禴等陝西道乾亨山西道

鎮守湖廣武靖伯趙光遠罷

丁亥南禮部右侍郎趙用賢為禮部右侍郎兼侍讀學士


庚寅累朝訓錄錄竣共一千九百二十八卷

辛卯宣城伯衛國本草任

陝西天鼓鳴

壬辰存問前南刑部尚書陳其學時年八十

甲午祭酒劉元霖為禮部右侍郎兼侍讀學士左春坊左庶



子盛訥為祭酒
是年大饑

國權

萬歷十九年辛卯

正月戊戌朔免朝賀閣臣詣會極門行禮

己亥申時行等請躬享太廟上稱疾不任遣代

壬寅兵部覆兵科給事中薛三才所請核禁衛之賞嚴邊將
之罰上從之


草遼東北路叅將麻成恩

癸卯以訓錄事竣進申時行太師廢中書舍人許國少師王

國權 萬歷十九年

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



錫爵少傅王家屏太子太保各固辭遂賜金八十幣四雙
錦衣衛都指揮同知許茂憚署衛事都指揮使李如楨提督
街道

命勳衛子弟赴京營練習從巡視科道官辟舉

前軍都督府僉書常胤緒改南左軍都督府僉書永康侯徐
文煇改前府

乙巳薊鎮馬蘭路地震

中軍都督府僉書侯之曾為總兵官鎮守貴州協守大同副
總兵署都督僉事李東陽為鎮朔將軍總兵官鎮守宣府

參將陳汝忠為署都督僉事神机營右副將

丙午陽武侯薛鈺為前軍都督府僉書南和伯方暉為中軍
都督府僉書

經略鄭汝報甘肅拒路西虜不從毀水軍營邊牆擊斬八十
八級其炒胡兒青台吉打兒二部虜共五千七百帳俱驅出
塞外


南中軍都督府僉書寧陽侯陳應詔為左軍都督府僉書豐
城侯李環為前軍都督府僉書

戊申禮科都給事中胡汝寧奏潘王程堯謂祖靈川王繼叔

國權

萬曆十九年

二



祖懷王之後進封父宣王恬焮及瑄堯俱襲封而弟瑄焮瑄
堯亦得封為郡王其意在于推恩但宗藩要例凡有郡王進
封親王者其子孫除承襲之外其餘各依原封世次授本爵
不准加封親王要得妄請以撓祖宗成法乎奉旨名封王仍
着支將軍之祿情法兩全再不必執奏臣竊謂自今以後諸
宗有請遠抑之則已開其端欲槩與之則又嫌于濫得之為
非分之榮失之抱不均之歎臣恐紹祖敦睦者誼不如是也
上不聽

己酉魏國公徐繼忠為南中軍都督府僉書

庚戌南前軍都督府僉書歐繼宗前保定總兵官尹秉衡及
南右軍都督府僉事王化熙等調為左軍右軍中軍都督府
僉書

乙卯前總督陝西三邊左副都御史鄧喬林卒


丁巳榮妃王氏薨

戊午鄭洛報卜失兔駐牧甘肅屢盜邊仍率眾西行應援火
落赤共擊斬九十三級大酋級五奪畜產一萬八千有奇甲
帳二千六百有奇

庚申 上病日

國權 萬曆十九年

三



四川左布政使鄒善致仕加太常卿

辛酉鄭王厚烷薨年七十一謚曰恭

前南刑部尚書王世貞卒字元美江南太倉州人嘉靖丙辰
進士授刑部主事歷郎中遷山西按察副使備兵青州有能
聲父總督忤罹禍家居十年隆慶初補官歷右副都御史撫
治鄖陽累進今官夙負名節練習掌故雅志不朽所著弁州
四部稿續稿別集卓然推一代詞宗年六十八予祭葬贈太
子少保

屠隆曰古之王祥德掩其言今之元美言掩其德王祥固不

在能言之科而間與談論理致清遠是德掩其言也元美
作藝苑卮言鞭撻千古指擊當代筆挾清霜舌掉電光天
天下士大夫讀其文想其丰采遠聽遙度必以為輕俊薄
夫而不知其為人殊長者識無所不綜而量無所不包寬
人愛人盛德之聲滿里閑而或不盡聞于薄海內外是言
掩其德也

癸亥詹事府陳于陞為禮部右侍郎仍兼侍讀學士署詹事


府事

草雲南黔國公沐昌祚章服俟改省給之

國權

萬歷十八年

四



甲子工科給事中楊其休等請停減燒造不允
乙丑旌周府鎮國中尉睦勗以捐祿四百石賑飢也
丁卯編修鄧以讚為右春坊右中允署司業

二月戊辰朔前四川提兵官李應祥為南右軍都督府僉書兵
科給事中薛三才論止之

涼州右副提兵陳霞為署都督僉事五軍營左副將

威茂諸番攻新橋園普安等堡官軍援之乃退

己巳湖廣貴州四木等處採木畢勞賜各官有差

庚午禮部議定覆祭酒劉元震以國學生人少乞行選貢法

從之

署右軍都督府事山伯王應龍罷

壬申靖遠伯王學禮署前軍都督府事學禮以弟襲兄爵戶

部奏祿例減百石如旁支例減二百石減而不及五百石者


准免

戶部主事王堦請停遣閱視官不聽

經略陝西宣大山西尚書鄭洛辭提兵三邊軍務專于經略

從之

癸酉江南狼山副提兵朱光先為提兵官鎮守廣東



甲戌南禮科給事中朱維藩請端政本御朝講仍召見大臣
商用人行政之要部覆上不報

丁亥進鄭洛少保

彰武伯楊世階為右軍都督府僉事

丙子前巡撫大同鄧喬林總督陝西三邊軍務喬林先卒未
知也

丁丑甘肅涼州衛白氣入月

庚辰南兵部尚書楊成致仕進太子少保

楚府武岡王顧槐薨


乙酉南戶部尚書舒應龍為南兵部尚書

御史劉會請停各省京考不允

甘肅行太僕卿熊瑞削籍初巡按御史崔景榮劾瑞昏耄例
降調瑞奏辨詆景榮聞虜警留劉承嗣護援致虜犯洮河不
及救又通屬夷交際 上欲譴景榮以閣臣解竟斥瑞
搃兵尤繼先等率兵至蓋刺川值火落赤擊斬四十五級擒
十四人畜產三千餘又續斬十一級擒五人

慶府綏德王伸域薨

丁亥命講章仍進其開講俟疾愈允之



戊子命川貴撫按會勘播州楊應龍不遣科臣

己丑南工部尚書張益男改南戶部

辛卯南右都御史袁應貞吉為工部尚書

甲午奪前游擊游擊將軍鄧子龍秩念其破緬甸攻功許從戎自效

乙未工部左侍郎朱天球為右副都御史

招降甘肅番族三千餘人

丙申前湖廣提學副使顏鯨卒字 浙江慈谿人嘉靖丙

辰進士授行人拜御史按河南廢伊王典榷又辨大興令高

世儒之誣劾都督朱希孝謫安仁典史趙寶慶推官砥行力

學終其身

福建興化府地震

三月丁酉朔庶吉士李啟美為檢討

庚子南鴻臚寺卿何以尚致仕加太僕卿

癸卯陳于陞周世選為工部右侍郎

順義王捨力克等各西海回巢

甲辰提督兩廣劉繼文為戶部右侍郎


乙巳巡按淮揚御史龔承雲枉道回里被劾調應天府檢校

誠意伯劉世延占人產被論奪歲祿

國權

萬曆十九年

七



夜廣西柳州地震

丙子禮部尚書范謙等言秦王誼漣以靖王嫡第三子進襲親王今又欲進其庶兄郡王大為典例 皇上既是科臣之議而前後明旨曰不為例曰以後不許援例瀆請然語云行法自貴近始誼漣原奉國中尉後加封鎮國將軍爵踰五級應改正者未改正而不應加封者乃欲加封何牽附私圖之若此也不聽

丁未前南工部右侍郎董堯封為南戶部右侍郎總督糧儲撫治鄖陽右副都御史蕭彥總督兩廣軍務兼理糧餉並法

巡撫廣東

庚戌申時行一品滿九年進太傅支伯爵俸廕尚寶司丞辭太傅伯俸

提督操江南右僉都御史陳有年為左副都御史

甲寅禮部左侍郎田一雋卒字德萬 將樂人隆慶戊辰


禮闈第一官編脩歷脩撰侍讀學士丁丑欲止張相奪情不果予告久之張相敗補原官歷祭酒禮部右侍郎轉左恬淡寡氣慕居恒辨一介然不以潔自標方予告遽卒予祭塋贈

禮部尚書

國權

萬歷十九年

八



丙辰夜彗見室見尾長二尺

丁巳應天府尹邵仲祿為南京右僉都御史提督操江兼筦軍務

戊午罷南太常卿郭東

兵部購緬酋賞格

安徽泗州護城石隄成

己未南太僕卿楊廷相為應天府尹

庚申廣東西寧縣大雨雹

辛酉前南戶部尚書魏學曾為兵部尚書兼右副都御史提

督陝西三邊軍務學曾家居先具疏主戰斥和士論歸之經


略鄭洛遣送符印至家學曾復稱疾不受反印于藩司

太僕少卿唐堯欽為南太僕寺卿

甲子戶部覆御史樊玉衡上屯政四議廣招佃清隱伏嚴稽核重勸懲命行之

閏二月丙寅夜彗入婁宿

申時行次子用嘉贄浙江湖州董氏壬午舉于浙或言其私時行請覆試置不問至是又摘及時行請革貢士准承廕且乞休不允



丁卯禁治邊丁虛報

己巳昌平地震

辛未遼東乏馬發太僕寺金十一萬七千餘給之

壬申上諭內閣以廟享屢代朝講久廢乃左右奸頑之所激

又諭內侍邢銑擅行威福結交宮嬖已出之

通政司使朱益震為右副都御史提督薦門山海等關兼巡

撫山西

乙亥四川慶遠府地震

丙子左通政杜其驕為通政司使

副總兵董元鎮為征蠻將軍都督僉事總兵官鎮守廣西

丁丑諭脩省

己卯諭責科道官風聞訛上各奪歲俸

甲申予故廣東總兵官中軍都督府右都督張元勳祭葬

丁亥遼東鎮西堡災

己丑令逐游僧

癸卯前撫治鄖陽右副都御史裴應章為右戶部右侍郎以


疾不赴

直隸易州人張世才請採礦章下所司往嘉靖中薊州李昇

國權

萬曆十九年

十



嵩縣刁滕言開採命內臣崔文千戶全爵採薊二十萬金戶部主事沈應乾千戶李鉉採嵩三十萬金去年易州人周言謂採礦無妨陵脉而世才云易州孤山秋坡去天壽山五六百里隔居庸紫荆倒馬三關烏能渡渾河而泄地靈乎

四月丙申朔 上享太廟

先是遼東副總兵官李平胡等報虜騎入犯先出塞襲斬二百餘級

戊戌議勘播州楊應龍事時巡撫貴州葉夢熊欲五司改土為流悉屬重慶巡撫四川李化龍不以為然因求去不允

庚子南戶部右侍郎劉繼文疾愈赴兵部右侍郎

廣西渠荅等十六村原屬武黎廢縣思明府忠州江州間

遂占于忠州又江州賄奪自失設新寧州以武黎四都隸之

因改十六村屬焉成七百人


壬寅兵科給事中王德完言虜心叵測其言歸而不歸也誠恐蓄奸圖逞蹂躪必甚部覆上命鄭洛魏學曾相機調度

甲辰傳制封德世子常泮為德王

乙巳夜火星犯箕

戊申南光祿卿沈節甫為南太常寺卿

國權 萬曆十九年



壬子京師雨雹

右通政謝杰為南光祿寺卿

予故慶都伯杜繼宗祭壘

癸丑巡撫廣西蔡汝賢為南兵部右侍郎

甲寅太常少卿孫鑛為右通政

丙辰刑部尚書陸光祖改吏部

丁未閣臣請視朝未允

東虜速壇犯遼東官兵追斬二百四十七級

庚申南禮部主事湯顯祖因星變劾首輔申時行欺蔽天日

如吏科左給事中楊文舉賑荒通賄禮科給事中胡汝寧號

蝦蟆給事皆申時行之所黨護也忤旨謫徐聞典史

辛酉直隸遵化天鼓鳴隕石二各重數百斤

五月丁卯福建漳州府地震

己巳前兵部尚書趙錦為刑部尚書四川左布政使陳藻為

右僉都御史巡撫廣東

復設貴州海防參將


虜入石門路

癸酉御史王之棟論刑部尚書趙錦年老併及吏部尚書陸

國權

萬曆十九年

十一



光祖

議開魁山支河

甲戌漳州地復震雷擊太平路喜峰墩台

乙亥吏部尚書宋纁卒贈太子太保予祭葬纁字

河南

商邱人嘉靖己未進士

史車二酋寇邊草賞又犯邊擊敗之

丙子祭酒盛訥為少詹事

丁丑上視朝

吏部主事周應鰲被論調用

庚辰夜月食

南刑部尚書魏時亮卒字舜卿江西南昌人嘉靖己未進士

授中書舍人進吏科給事中使朝鮮轉太僕少卿去復薦起

南大理寺丞至今官

鄒元標曰先生孳々講學而躬行為務昔官中大夫歲租

不能供一飽怡然自若常人砥礪稍被挫折自度計無復

之鮮不回面易心者先生初被權臣中錮例不得復用甘


守衡門不一失足公廷持已抑何嚴也故曰先生儒者之

典刑也

國權

萬歷十九年

十三



壬午四川四哨番賊作亂官兵擊斬七百餘級

乙酉吏部右侍郎王用汲為南刑部尚書

南祭酒張一桂改北

己丑總督漕運都御史周家為吏部右侍郎右春坊右中允

署司業鄧以讚為南祭酒

甘肅隕星二又天降白氣天鼓鳴

壬辰尚寶司丞孟一脉為南通政參議

平秀吉篡日本國秀吉本全州人奴或云慈谿陸氏嘉靖末

從粵盜曾一本而敗亡命日本國王任之善用兵自稱閩白

猶漢大將軍也遂篡立

貴州石阡府龍見

新設貴縣設貴陽

六月甲午朔工部左侍郎陳于陞為總督漕運兼巡撫鳳陽


乙未脩撰蕭良有為右春坊右中允署司業

兵部覆兵科給事中李汝華言順義王之歸原為火落赤之

勢今順義王僅移帳狼灣去仰華寺才五百里虜亡虜四萬

經略兵止數千原馬價二十二萬止餘十四萬餉費不支此

時不當求虜惟先自治須集兵儲餉豫險據要俾戰則勝守



則固虜之歸第不歸弟聽之耳

魁山支河成徐州積水縮盡

戊戌太原府五台交城等縣地震

大理卿盧維楨為工部左侍郎

鄭世子載堉引疾辭府事不允

辛丑巡撫福建趙參魯為大理卿

壬寅陽和城星隕天鼓鳴

甲辰巡撫四川李尚思奏報剿松坪惡番斬獲二百六十五

人擒十五人

丁未太常卿張汝濟為右僉都御史巡撫福建

戊申大學士王錫爵求歸省不允

庚戌慈谿茅家浦涌血

壬子許王錫爵歸省

夜火星犯箕

甲寅大同左衛天鼓鳴

己未巡撫雲南吳定疾去


大公安大水有怪形如斗首赤身黑脩二丈有奇所至隄潰

癸亥福州府地震

國權

萬歷十九年

十五



蘇松大水溺人數萬

七月乙丑廣西南灣地震

先是遼東額解五名附順天皆南人占之御史胡克儉請卷上註邊字著為令

光祿寺丞朱維京言經略鄭洛禦虜輒為兩可之詞以相愚弄至可慮者洛主和總督魏學曾巡撫葉夢熊主戰牴牾如此能無備事宜洛還朝專委學曾庶得以展布報聞

甘肅地震

戊辰工部尚書曾同亨奏定紅器歲萬造四千八百零七十

件紫炭二項刻票為額此外即為續添或不太濫從之

己巳予故工部左侍郎金立敬祭墓立敬浙江臨海人嘉靖丁未進士授兵部主事歷山西按察使終養後補江西至今官致仕

庚午光祿陳大科為太常卿

癸酉起世德巡撫


梁雲龍為監軍

巡按山東御史胡克儉劾寧遠伯李成梁去年十月報敗虜今年閱科到鎮乃襲殺板升漢人二百餘人回值虜李寧先奔蹂躪死者亡美或叅疏至大學士申時行許國各曲庇本

國權

萬曆十九年

十六




兵王一鶚遂半年不覆李寧疏矣并及總督蹇達巡撫郝杰
兵科都給事中張應登申維岱劉葵曲庇 上以懸度責之
克儉又論左都御史李世達于是左副都御史陳有年等劾
克儉挾私妄奏鑄二級調蘄水縣丞
甲戌西寧衛星隕天鼓鳴
南光祿卿謝杰改北

丙子前太僕卿沈思孝為南光祿卿
順義王捨力克假道言歸復改從鎮羗堡吉囊亦佯服陰購
套虜巡按陝西御史王有功以聞請停順義王歲賞二十萬

以貲甘肅戰守仍諭其速歸海上諸虜亦諭令其解散命議
行之

己卯禮部題奏山東考官給事中李用策主事楊鳳預泄之
御史李唐以聞乃改給事中劉為楫主事蔡應麟罰禮官俸
有差

庚辰大風紹興寧波松江蘇常濱海潮溢傷稼滄人畜亡美
明日太倉訛言倭至閉城人爭門而溺甲申又又風
勅南京巡視京營御史兼巡視倉場
癸未浙江福建報日本倭誘琉球入犯許國以聞




上諭部院曰 祖宗設官分職上下相統內外相維官守言責各有司存近來或卑凌尊或新間舊或僚屬而制官長或外史而排閣臣致國是紛々朝綱凌替大臣解體爭欲乞身國無其人誰與共理今後有干名犯分抵冒誣讒典憲昭然定不輕貸

乙酉內府各監局匠隆慶初額一萬五千八百八十四人至三年定一萬三千三百六十七人工科給事中楊其休言其冒蠹今新額外有闕勿補 上命如舊

丁亥福建按察僉事李琯劾申時行十罪曰鹽城訓導龐尚

鴻奏壽宮有水浸不上曰倡尚欲易儲之說示已擁立功曰請勅諭禁言路曰司業劉應秋御史章守誠主事蔡時昂列時行罪狀留中不下曰子用嘉冒籍中浙江壻李鴻冒籍納監沈璟強汪讓代中曰舍人宋九通賄納京衛經歷不歷俸得雙封曰私部光先引寇曰私李成梁掩敗曰擠尚書宋纁給事張養蒙曰受胡維新珠寶起用曰納李時孝寶玉免勘王錫爵感其接引而攻李植其女為妖蛇所污計作曇陽子傳自稱奉道弟子私黃弘憲主考而收其子衡解元排公一揚受賄建言使 皇上疑言官樹私宜并罷斥時行引疾許



國謂臬司糾閣臣無例命下部科叅議削其籍

八月癸巳朔兵科給事中王德完請裁李成梁李如松一門兵權太盛不聽

經略尚書鄭洛言五月以來順義王遁歸群疑群起報卜失免調兵無據今甘肅飭備如松套諸虜蠢動亟行堵截在固原火落赤真相台吉遠遁又歸德遏其南渡稱兵拒守俾洮河之堂奧止虞松山之虜在賀蘭山後安牧無他志弟脩市約慎戰備則寧夏事也延綏于制馭二酋可暫安稍警則報甘肅將捕此延綏事也 上然之

癸卯 皇五子常浩生

甲辰庶吉士黃輝莊天合王肯堂劉曰寧為編脩區大相周如砥林堯俞馮有經為檢討吳鴻功羅棟郭士吉為給事中喬胤徐彥登馮從吾顧際明為御史

廣東總兵官朱先廣西總兵官董元鎮互調

鄭洛報虜阿赤克等自鎮羌堡出塞


丁未戶部尚書石星改兵部

壬子工部主事張有德言大禮屆期儀物未備請即令圖之上怒其煩擾奪俸三月諭冊立事俾二十一年舉行

國權

萬曆十九年

九



癸丑申時行久在告請申前諭明春冊立之旨報聞

工部尚書曾同亨請明春冊立毋改期不聽

提督倉場戶部尚書楊俊民為戶部尚書

逮黔國公沐昌祚時官兵征緬甸賊忽飛帖云係子粒良民
賊亦書子粒良民于旗官兵遂退巡撫吳定兵科王德明俱

劾昌祚

甲寅申時行許國王家屏同請明春冊立不聽謂萬有德自
其職掌揭首列時行名命中使詰時行先生何比小臣也時
行奏謝同官列臣名寔無預焉故事揭存閣中至是發禮科


時行亟狀去衆疑大闕

丁巳刑部左侍郎李戴為右都御史兼戶部尚書

己未調巡撫寧夏右副都御史鍾化民

庚申邵陞陳有年為刑部左右侍郎

南京浙江江西山東河南大旱德平知縣崔士榮報災巡按
山東御史宋應昌召縣丞董用賓問狀災而不甚遂廷質爭
辨邑人持殘未斃蝗至者五千餘人應昌寬解之己劾士榮
失寔又叅政荊州俊退有後言兵科給事中王德完謂其非
是左都御史李世達覆議命其指寔戶科給事中吳鴻功亦



言之

瞿九思曰王成豈非西京循吏哉乃亦虛增戶口乎德平之役起于愛民太甚御史亦第論其報勸不寔耳而給諫則不得不為紀綱惜且以五千人之德平揚、擁蝗虫而走會城甚矣哉欲以敝履而加首也悲夫孔子曰名不正則言不順信哉是言也

是月各京省主考順天左諭德曾朝楫馮琦應天左諭德陸可教中允余繼登浙江編脩李廷机刑科右給事中梅國樓江西脩撰朱國祚戶科右給事中葉初春福建禮科右給事


中孟養浩禮部主事姜鏡湖廣兵科左給事中張應登禮部主事唐伯元河南禮科左給事中丁懋遜禮部主事陳泰來山東刑科給事中劉為楫吏部主事蔡應麟山西刑科左給事中李獻可戶部主事梅守峻陝西吏部主事麻溶兵部主事于若瀛四川戶科給事中陸尚賢工部主事吳鴻洙廣東吏部主事唐世堯刑部主事葉脩廣西兵部主事胡桂芳工部主事吳宗熹雲南刑部員外郎莫睿戶部主事李開藻貴州刑部主事王命爵大理評事黎芳

九月癸亥朔左僉都御史傅孟春為左副都御史

國權

萬曆十九年

二五



禮科都給事中羅大紘劾申時行同官閣揭云臣不預知至于近事漫無可否但云社稷至計裁自宸衷毋惑群議遁其詞以賣友秘其語以誤君乞與臣并斥 上怒謫揭陽典史禮科都給事中胡汝寧論許國申時行各有失 上不問
甲子武英殿辦事中書舍人黃正賓言申時行密揭排擠同官醜狀抑至此下正賓鎮撫司廷杖削籍與所奏大相矛盾其揭云以請冊立原非其意而閣臣許國代書之摠恐犯首事之罪而外欲博建立之功萬一激瀆 上怒又將歸咎于兩輔惟知排擠同官而不計其詭狀至此乞嚴加罷斥 上

怒正賓卑秩必有嗾使者下鎮撫司獄廷杖削其籍

罷甘肅巡撫賈待問宣府巡撫郭四維


乙丑命薊鎮宣府大同督撫官剿叛夷史車二酋

丙寅中軍都督府僉書王化熙為總兵官鎮守廣西

丁卯巡撫保定宋仕為左僉都御史

戊辰鎮守山西總兵官李如松為中軍都督府僉書事

經略尚書鄭洛言臣至金城與各道同詰責順義王引罪虜使洮河州之事順義王尚在甘州河州之事恨火落赤誤引漢地今從順義王回巢則套虜下失鬼松虜宰塞皆可次第



解散矣

安徽泗州大水渰公署三尺因淮水高于城反灌溺人亡筭
浸及祖陵

己巳諭申時行等入直

許國乞休允之國併請冊立毋以一夫輕言遂妨廟計仍明
春如期勿改 上責其託故要君且又煩激意何也

辛未夜月犯熒惑

羅大紘削籍以各科鍾羽正等乞容也羽正等奪俸有差
壬申許國引疾去

朱國禎曰申時行初無他意謂臣下不失信于 皇上而
後可望 皇上之從故以此自明冀上之諒而無改舊論
然上之易期匪朝伊夕不待有德之疏二相之揭時行宜
從衆待罪而周旋太過犯此嫌疑故紘正賓之忠自在而
必欲以此寔時行之罪則情有可原且亦事理之必無也
癸酉王家屏求去不允


御史馬朝陽疏救羅大紘奪歲俸

山西五台礦盜張守清等前受招又嘯聚黃草梁山劫阜平
被勦勢迫乃降

國權

萬曆十九年

二十三



協守寧夏副總兵解一清為總兵官鎮守山西

甲戌申時行求去許之

乙亥諭王家屏曰近來假建言傾陷成風朋謀攻擊今二輔

回籍朕親覽章奏卿可遵旨入直

丁丑大學士趙志昂張位入直

前太子少保兵部尚書王一鶚字 曲周人嘉靖癸丑進

士授南刑部主事歷薊鎮叅政進按察使巡撫順天脩墩台

成移宣府貢市成進兵部左侍郎協理京營夏去起原官巡

撫順天進總督薊遼保定有戰功進尚書入為本兵致仕卒

予祭葬贈太子太保

大同總兵官麻貴免

戊寅鳳陽地震

禮部尚書于慎行致仕巡撫應天李涑疾去巡撫順天王致
祥致仕

嘉興湖州大雨水傷禾折免田租

陝西總兵尤繼免罷尋命仍鎮固原


辛巳巡撫陝西葉夢熊移甘肅

閱視延綏大理少卿王世揚為右僉都御史巡撫宣府

國權

萬曆十九年

三



兵部左侍郎許守謙致仕

壬午吏部尚書陸光祖言閣臣由廷推今申時行奏薦趙志
臯張位雖二臣之賢不負其所薦但恐開徇私植黨之門命
不為例

癸未王基陳有年為戶兵左右侍郎禮部左侍郎李長春為
尚書禮部右侍郎羅萬化為吏部左侍郎南光祿寺卿沈思
孝為右僉都御史巡撫陝西
免真定順德廣平大名旱災田租

己酉鎮守昌平居庸總兵官麻承恩為鎮朔將軍總兵官鎮

守宣府

丁亥巡撫江西任養心改巡撫保定提督紫荆倒馬等關
禮部右侍郎韓世能為左侍郎巡撫四川李尚思為刑部右
侍郎

史酋合安兔以二千騎犯宣府

鎮守保定總兵官楊紹勳改鎮居庸昌平


己丑山西平陽地震

提督操江南右僉都御史邵仲祿改巡撫江西太僕少卿艾
穆為右僉都御史巡撫四川山西按察使成遜為右僉都御

國權

萬曆十九年

三五



史巡撫順天左僉都御史宋任改巡撫應天

協守大同副總兵倪尚忠為總兵官鎮守保定

十月癸巳朔時京衛官誤聞截俸群入長安門欲訴內閣值工

部尚書曹同亨而詳兵部尚書石亨至方散以同亨給事中

乾亨閱視大同奏減俸也

左通政孫鑛為左僉都御史浙江左布政使蔡國珍為南右

副都御史提督操江

丙申歸省大學士王錫爵求終養不允

諭吏兵二部申飭各官

提督四夷館太常少卿劉益養為右通政山東右布政使范

謙為太僕卿

丁酉京城巡捕左叅將宋三省提督京城巡捕官兼署都督

僉事

戊戌山丹衛地震壞城郭

庚子戶部右侍郎石應岳調南

辛丑薊鎮告警命嚴邊備


壬寅王家屏乞發章奏留中者

貴州布政司左叅政王應時槐為南鴻臚寺卿

國權

萬曆十九年

二五



揚州邵伯湖隄高郵州南北以大風雨水決

乙巳前提督操江右僉都御史胡嘉謨降貴州布政司左叅
議南光祿寺丞董基為大理右寺丞

減保定平谷二縣寄養馬匹

南總督糧儲戶部右侍郎董堯封為戶部右侍郎

戊申南太常卿沈節甫為南大理卿南太僕少卿王汝訓為

太常少卿

辛卯太僕少卿朱鴻謨董裕為大理左右少卿尚寶司丞周
弘禴為少卿

乙卯前南鴻臚少卿王樵補南太僕少卿禮部主事唐伯元
改尚寶司丞

南刑部右侍郎余懋學為南戶部右侍郎總督糧儲太常寺
卿張一桂為南禮部右侍郎

丙辰福建右布政使張明正為南太常卿

太子少保刑部尚書趙錦赴召卒于蘇州錦字元朴浙江
餘姚人嘉靖甲辰進士令江陰拜南御史清戎雲南馳劾嚴
嵩下獄隆慶初起家歷今官端方清介推擊權要三任總臺

晚節尤堅年十予祭葬贈太子太保謚端肅

國權

萬曆十九年

二十七



沈一貫曰予嘗謂學者平情于好惡之難見善人而好之見惡人而惡之塗之人盡然何必君子所稱君子者善惡之等萬而善之惡之等亦萬稱其情寔不失錙銖而後謂之平江陵之獄欲縱之與欲深之者其心非盡公其事非甚平而不欲寬之者惟公一人若分宜本公所執手怨入骨髓也而猶白其子非叛撫貴竹時見分宜屠道旁為之咨嗟徘徊屬監司護之乃去此豈以好惡滯于胸者耶此其好惡豈為分宜江陵起耶世之學者有一好之終身不忘一惡之終身不忘嗟乎得趙公天下不足平矣

乙未直隸易州天鳴

庚申太僕寺卿范謙為太常寺卿

辛酉江西按察僉事朱廷益為南光祿少卿河南左叅政張養蒙為太僕少卿

十一月癸亥朔河南左布政使孫錦為太僕卿

山西解絳地震


丙寅前廣東按察僉事管志道補湖廣按察僉事

朝鮮國王李昖報五月有僧云日本平秀吉并六十餘州琉球南蠻皆服期明年三月相犯

國權

萬曆十九年

三



戊辰彰德 王府火議助建

壬午鑄山東登萊等處備倭關防

癸酉 猗氏天鼓鳴白氣凝聚

築寧夏河東秦渠漢渠竣大渠北駕鴛諸湖

甲戌南太僕少卿王樵為南光祿卿

乙亥吉囊以二千騎犯河西游擊姜河拒之斬五級

丁丑巡按廣西御史錢一本請先臣羅倫羅洪先陳真晟曹

端從祀孔廟不允

甘肅山丹等衛天鼓鳴

夜大星隕永昌古城堡

戊寅巡撫蘇松常鎮御史甘士价報五六月蘇松大水淹入
數萬免租

壬子鎮守居庸昌平總兵官楊紹勳為征虜將軍總兵官鎮
守遼東

癸未禮部薦前 知縣冷逢震請習歷法章下所司

丙戌巡撫山西朱益震疾去

己丑延綏定邊副總兵王保為總兵官鎮守居庸昌平

辛卯琉球王世子尚寧入貢

國權 萬曆十九年

二十九

